

ادبیات عمومی مجموعه سی

بسم الله الرحمن الرحيم

محاربه حاضره ايله تركرك تاريخنده بر « رنه سانس » دورى آچيلور .
بوگونه قدر متعب و غليظ بربلداي كابوس دوام ايتمكده ايدى . شرقى روما
دولتى تخریب، مشرف انهدام اولان خلافت و سلطنت اسلاميه يي هيچ برپادشاه
سلفك يتشدیره مدیكى حدودلره ایصال ایدن عثمانلیر ایکی سنه اولنه کلنجهیه قدر
بردور توقفده بولونیورلردی . حرب عمومی بزم موجب انتباه و تیقظمز اولدی .
توفیقات ازلیه صمدانیه دن استعانه ايله بومبارزه مقدسه استخلاصه آتلدق .
قایتولاسیونلری ، اجانبك موجودیتمز اوزرینه وضع ایتدکاری حجر و حجزلری
قالدیردق . ترقی و تعالی یه قطعیا قرار ویردك . ایشه بونك ایچوندركه هر کونمز
حرب و ضرب ايله کچدیكى حالد ، بوايکی سنه ظرفنده حصولپذیر اولان ترقیات
واصلاحات درجه سنده تکملاته مملکتمز هیچ بروقت نائل اوله مامشدی .
ایشته بوانقلابات آره سنده تکاملات فکریه یه اشتراك ، عنعنات مستحسنه مز
داخلنده تجدواتی تسهیل ، متفکرین وارباب قلممزه بر محل مباحثه و مناظره
تهیه ایتك مقصدلریله بو « ادبیات عمومی مجموعه سی » نی تأسیس ایدیوروز .

تاریخ عثمانینک ماقبلی

[صدر نجیب وقت سعید حلیم پاشا

حضر تلیزینک حضور فخیانه لرینه]

حاله واستقبالده تکامل وتفیض ایتک ایستیهن برملتک هر شیدن اول
ماضیسنی بیلمسی، لایموت اولان تاریخنک نه کی جریانلره اتباعاً دوام ایده کلدیکنی
آکلامسی لازمدر. اساطیره قاریشان ازمه دن اعتباراً بو کونه قدر تاریخنده
صاحب مقام اولمش هیچ بر ملت یوقدر که ترقی وتکمل ایده بیلمک ایچون
ماضیسندن مجرد ایتش اولسون. ماضیدن مجرد بر درجه یه قدر فرانسه ده
تجربه ایدلمشدر. ۱۷۸۹ انقلابنده برکروه محرکینک آرقه سنده فوج فوج
حشرات نه وار نه یوقسه جمله سنی تخریب ایتشلر؛ مقدساتی آیاق آلتنه آلمشلر،
و، [طوماس موروس] ک، [فلون] ک، [قامپانه لالا] نک، قدیمده
[افلاطون الهی] نک تخیل ایتدکری کی یکی بر جمهوریتک، یکی بر وضعیت
اجتماعیه نک تقرر ایتدیکنی بر خیلی کورولتی ویاطردی ایله اعلانه اجتسار
ایتشلر سده ماضی، مورخ پرکرامت [دوطوقویل] ک دیدیکی کی عینیه بر
قوم چولنه واران نهر مثللو بر آرهلق غائب اولمش، لکن صحرای ریکک
صوکنده ینه طویلانه رق جریان معتادینه دوام ایتمشدر.

اوت! غایه تصور آتمز، نخبه مقاصد من هر سلامت وطندر. شویوک
محاربه یه ده آنجق بوامل ایله داخل اولدق. او یله بر صورتده تکامل ایتمک کمز
واجبدر که بردها، کچن عصر کابوس کی، بر دور تدنی یه او غرامیه لم. مقصد،
استخلاص وطن وملت اولونجه، هر شیدن اول، بو وطن وملت بیلمک کمز
کرکدر، علم، اون طقوزنجی قرن میلادینک ایکنجی نصفدن اعتباراً بر آاز
دکشدی ومطالعه وتتبّع اصولاری ده تنقیدی برماهیت اکتساب ایتدی.
ایشته بویکی اصول دائره سنده معرفت نفس مزه همت ایتمه من لزومی تحقّق
ایدیور. فکر منی ده واضح بر جمله ایله افاده ایده لم: تاریخنمزی یکیدن
نظریات وقواعد جدیده موجه یه یازمغه مجبورز. ملتیزک صورت تشکلی،

سبب تشکلی ، غایه تشکلی ، زمان تشکلی ایجه بیلنملی در که صورت تکاملی ، سبب تکاملی ، غایه تکاملی و حتی دور تکاملنک نه زمان حلول ایتدیگی آ کلاشلسون . بالطبع بوتبعاته توسل ایدیلر سه قابلیتلر منر کبی ، ضعیف نقطه لر منر کده نه دن عبارت اولدیغی تظاهر ایدر . تشریحی و فیزیولوژی تفحصاته باشلامه دن اول تشخیص وضع ایدیلر منر ؛ بونک ایچوندر که مملکتتمزده ، دیار اجنیه ده اولدیغی کبی ، ترکر حقنده پک غریب ، حتی پک یاوان مطالعات در میان ایدیلور . سطحی تفکری اعتیاد ایدینن ذوات ملتدن یا فضله ، یا خود پک آ ز شی ایتور . بر طاقلری هیچ اولیه جق مطالعات سردینه قدر واریور . شبهه سزدر که حجره سنده ، کتابلری ایچنده ، قیود علائقندن تجرد ایتمش بر مؤرخ ، بر متبع ، امثله افسیه سرد ایدلم - بر [مقاوله] ، بر [تهن] ، بر [مومسهن] ، حتی بر [فهرره رو] علی العجله اورته یه قونمش بوفکرلره بییق آلتندن کولمکدن بشقه بر صورتله مقابله ده بولونه مازلر .

معرفت نفس اوت ! کندمزی بیللم : بر ما کنه نک نه قوتده ، بر سفینه نک نه حجم استیعابیده ، بر چفتلکک نه مساحه سطحیه ده اولدیغی او کر نمدن آنلردن استفاده یه قالقشمنق انسانی خطادن خطایه سوق ایدر . بزده اول باول کندمزی ، تاریخده کندمزی بیللمی یز که آ کا کوره مبارزه حاضرده قاهر ، تجارب آتیه ده مظهر اوللم .

*
**

تاریخ عثمانی — اعتراض قبول ایتیه جک بر صورتده :

۱ — تاریخ اسلامک ؛

۲ — تاریخ تورانک ؛

۳ — تاریخ رومک

مابعدیدر . تاریخمزک جذور و منابعی اسلام ، ترک ، روما تاریخلرنده در . تاریخ عثمانی عرق اعتباریه ترک تاریخندن ، زمان نقطه نظرندن اسلام تاریخندن ، مکان حیثیتیه ده روما تاریخندن منشعبدر . اسلامک مؤسسائی ، تورانک سنجیه اصلیه جنکاورانه سی ، رومانک قلمروی برلشمش ، عثمان اوغللرینک لوای هموفقه آلتنده میدانیه بوهیئت و ملت کلشدر . تأسف اولنور که اوروپاده

تدقیقات تاریخی بی بووادیده یوروتہ جک جسورجہ بر مؤرخ حیقہ مامشدر .
 سینی آ کلایہ میورم : اہمیت اعتباریہ درجہ تاسعہ ویا عاشرہ دہ بولونان موادی
 تدقیق ایچون افرنج دیارلرنده حصر حیات درجہ سندہ ہمت کوسترن متبحرین
 جیقیورده ، تاریخ عثمانی کی تاریخ بشریت ایچندہ پک مهم اولان بر بابی تتبعہ
 کندیسندہ قوت کورن بر صاحب قلم ظہور ایتیمور . تاریخ عثمانینک اوروپادہ
 الہنام محرری [فون ہامہر] ساحۂ محاکاندہ خیلی راجل بر ذاتدر . کذلک
 تاریخ اسلام دہ ، غربدہ ، نزومی درجہ دہ تتبع ایدلہ مشدر . پک مختصر
 اولقلہ برابرینہ دونوب دولاشوب [دوزی] بی اوقویورز .
 شرقی روماتاریخنہ کلنجہ : بر آرہلق - آشاغی سلطنت - تاریخی اوروپادہ
 پک مودا اولمشدی . میدانہ دہ حقیقہ کوزل شیر کلدی . کوزی وفکری
 آچہ حق مطالعات سردایدادی . قدیم قسطنطنینہ ، اولانجہ اسراریلہ ، اولانجہ
 الواح و تصاویریلہ نظرلرمزده تجسم ایتدی . لکن بتون بوتدقیقاتک ینہ برا کسیکی
 وار : روما تاریخنک تاریخ عثمانیہ وجہ انقلابی ، وقایعک صورت ارتباطی .
 اوروپالیرک تدقیقات خصوصندہ بوکوشکلککرینی مؤرخلرینک عجزندن
 زیادہ افکار عامہ نک علیہمزدہ غریب بر جریان آلمہ سنہ عطف ایدہ بیلیرز .
 لکن بوندن ذرہ جہ متأثر اولما مقلغز لازم کلیر . بر حسن ابتدا ایلہ واونوتمیہ لم
 بر آز ہمتلہ - بزم دہ ملت عثمانیہ نک سر تشسکلنی آکلامق ایچون تاریخنمزک
 چرچیوہ سنی وجودہ کتیر مکہ اقتدارمن یتزدکل ، یتز . آندن صکرہ اخلاف وانسال
 آتیہ اوقادرو داخلندہ بذل مجہودہ دوام ایدرلر ، میدانہ بر تاریخ عثمانی جیقار .
 ملت عثمانیہ نک ترقیات مستقبلہ سی تاریخ عثمانینک تعمیق و تتبعی ایلہ متوازیاً
 حصول بولہ جقدر .

مارشال فون مولتکہ نک بر کلام کبارینی ہیچ اونوتہ مام : ترکیہ دہ ترقیات
 وتکاملات آشاغیدن دکل ، یوقاریدن کلیر . طبقات علیا تجدادات حسنہ بی -
 مقصدمن بدعتلر دکلدر - طبقات سفلیہ قبول ایتدیررلر . بوقیمتدار سوزک
 صدہنزہ تعلقی درکاردر .